

## 2<sup>e</sup> Supplément à l'«Electeur des Côtes-du-Nord»

Du 30 Octobre 1892

Ce 2<sup>e</sup> supplément ne sera pas vendu à part. Il devra être donné gratuitement aux acheteurs habituels du journal.

# EUR GUENTEL

## D'AN OTRO RIVOALLAN

**Oar don :** *Ar seis squiant naturel.*

Loull ar Flem deus a Bempoul neus moulet eur sonic,  
Ha houés ar louf glas gant-hi vel guant mab Yvonic.  
Biscoas en Breis-Isel ne oe clevet eur son  
Quen divalo da guanan guant an élecsion.

Aroc clasc sével sonio da ganton Landréguer,  
E cléfé Fanch Rivoallan goud livan hé hevier,  
Ha monet da disqui bétéc Ker Sant-Briec  
Coms gallec pe vrézonec gant Guillom ar C'horfec.

Dès ta, Fanch, ne gredes quet eo quen bras hon guéno  
Da loncan quément loegaj so moulet en Goélo.  
Mar grès eur c'honsailler a ri d'imp da grédi  
Eo lostec ist Kerantrès vel ma eo ar brini.

Noblans ar vro so furoc'h vit ar c'hrac-otrone  
A valé dré ar c'hanton o foétan ho leuvé.  
Ha d'an oll da vélet, da Kergréc'h Plougouscan,  
E ia stancoc'h ar bevien vit da di Rivoallan.

Sonic Fanch a lavar houéc : « goéch-all ho merhigo  
» A barchante d'an noblans gous hag ho touaro,  
» Ho tud cos a oersent, vel ma oerser quésec ! »  
Neb a gredo quément sé a so asen gorniec.

Nemet Landrégéris sod, an oll bars ar c'hanton  
A oar piou a so da gass da gonsail Lannuon.  
Sco gant-he banac'ho, didal ar variquen,  
Credi out potr fin, Fanchic, vit se ne reint biquen.

Peb bro, Fanch, an eus hé guis ha pep den hé vicher  
Pep unan gant hé hini nété ré da ober.  
Labour ta da barco ha goella da loened,  
Mond da gonsail Lannuon a so amser gollet.

Oar ar mès en bro Tréguer so squiant da versan :  
Coustet e vo d'id, Franchic, renquet cad da brénan !  
Evit mad da barco, labourerien Tréguer  
Neus choaset otro Kergréc'h da véan consailler.

Trué meus deus an otro, breman na névo quet  
Ar peder vesten dolman gant Fanchic promettet,  
Na vesten, na brago ; paour e vo hé féson,  
Ma renc monet ével-se da gonsail Lannuon.

C'hoas neus renquet an otro cad évid an déio  
Hoc'h quémener en Kergréc'h da daillan vestenno.  
Groet deus hini Franchic betec hé diou votes,  
Ha taconet fons brago cabaler Kerantrès. (1)

JOB BUGUELES,

(1) Potr Kerantrès nevoa difonset he daboulin disul o hoari vas en Plougouscan.

